



Vuk'uzenzele

IMAHHALA

Uyetsulelwa Tekuchumana Tahulumende Nekuniketa Lwati (GCIS)

Siswati/English

Ingci 2015

Letivela e-Union Buildings
Likhasi 3

Indlela lensha yekukhula ye-Afrika
Likhasi 12

Situkulwane lesite i-HIV singabakhona
Likhasi 13

Umlimi lomsikati uvuna imphumelelo



Thandeka Moseki waseStella eNyakatfo Nshonalanga ubeka indvuku ebandla embonini yetekulima.

Albert Pule

Iyandza linani labomake baseNingizimu Afrika labasita hulumente ekulweni nebuphuya kanye nekusungula emafuba emisebenti ngekutsi batimbandzanyane kutekulima. Eminyakeni leyendlulile, hulumente bekasentisa Litiko Letekulima, Temahlatsi Netihlanti (i-DAFF) ekusunguleni tihlelo lokuhloswe ngato kuhlomisa bomake kutekulima. Lunye Iwaletinhlelo nguMklomelo Wasomabhizinisi Lomsikati lebeyatiwa kucala ngekutsi Umklomelo Wemlimi Lomsikati. Lemiklomelo yekuklomelisa imitamoni negalelo labomake, bomake labancane kanye nabomake labanekukhubateka kulomkhakha macondzana netindzaba tekubakhona kwedla ekwanele, kudaleka kwemafuba emsebeni, kukhula kutemnotfo kanye nekunciphisa bu-phuya. Kusukela lwasungulwa nga-1999, loluhlelo selube nabomake lababali labangetulu kwe-2000 labatimbandzakanye kulemiklomelo. I-Vuk'uzenzele ihlangane namunye walobomake lodlondlobalako kumkhakha yetekulima futsi nguye lophumelele kutfo Umklomelo Wasomabhizinisi Lomsikati.

Thandeka Moseki waseStella eNyakatfo Nshonalanga usitjela kutsi luhambo lwakhe kute kube ngunyalo aluzange lubemalula kepha ngenca yalesipiliyoni lasitfolile kuleminyaka lemibalwa leyengcile, uyatsemba kutsi tintfo titawulunga. Moseki wakhetfwa njengeMkhiciti Losimeme Lophuma Embili emcimbinini wesifundza we-Mklomelo Wasomabhizinisi Lomsikati. Loluhlobo lomklomelo walabo labasacala kulomkhakha labakhombisa tindlela letinsha naletinebuciko tekwenta ncono kukhicitwa kwedla, kusungulwa kwemafuba emsebeni kanye nentfutuko kutemnotfo. Moseki wazuzamklomelo wemali longe-R75 000, indzebe kanye nesithifiki sekumhlonipha. Emva kwekutsi asatfole umklomelo losembili eNyakatfo Nshonalanga wachubeka wayewuncintisana kuvelonkhe lapho afike khona futsi waphumelela kumkhakha lofanako wazuzamklomelo, sithifiki kanye nendzebe. Waphindza futsi wazuzamesakhwionchanti lesilinganisela

kulinani le-R500 000. Moseki wacala kuba ngumlimi nga-2011 ngemva kwekutsenga lipulazi i-Grootverdriet Farm 310 (e-Dirkiesrus) lelingaphandle nje kweStella. Ungumlimi lohlanganisa nalokunye, ufuya imfuyo lenkhulu nalencane aphindze atjale netibhidvo njengesipinashi, emamatishi, pelepele loluhlata, amazambane emakhubishi kanye netitselo tesitrasi. Moseki utsite bekangacabangi kutsi atawuhamba adzimate afike lapha asakhona mayelana nemsebeni wakhe wetekulima ikakhulu ngobewente emaphutsa lamanengi ekucaleni. "Ngente emaphutsa lamanengi, kusukela nje ekungatini kutsi ngihlanye nini futsi ini kanye nekuhlanganisa emakhemikhali langasiwo kepha nyalo senginemcondvo lokhanyako kutsi ngentani," kwasho yena amamatseka.

Wathinta abafazi, wathinta imbokodo

Maselaelo Seshotli

Eningizimu Afrika, Ingci akusiyi nje lenye inyanga. YiNyanga Yabomake lapho mhlati-9 Ingci lugutjwa njengeLusuku Lwabomake Lwavelonkhe, loluphindze futsi lube yiholide yesive. Kulonyaka luphindze futsi lukhombela kusondzela kwemcimbi wemgubho Wemshuco Wabomake weminyaka lenge-60. Ngamhla ti-9 Ingci 1956, bomake labanesibindi laba-20 000 bashuca baya e-Union Buildings ePitoli bayewulwela inkhululeko yabo kanye nekwenza sikelosikhalo sekulwa nemitsetfo yalelive yabomati. Lemitsetfo beyitsi umuntu lomnyama kudzingeka kutsi apatse ipasipoti yangekhatsi kuleli, leyatiwa ngekutsi ngumati. Libhuku lamatishi belisetjentiselwa kubandlulula bantfu kanye nekulawula kutfutseleka etindzaweni tasemadolobheni ngesikhatsi seminyaka yelubandlululo.

Utsengisa imikhicito yakhe etitolo tendzawo, etindzaweni lapho kuholelwa khona, etikweni kantsi lemnye unikela ngayo kutinkhulisa tendzawo. Moseke ucashe bantfu labasitfupha kulelipulazi lelingemahektha lange-36. Lelipulazi lifuye timvu letinge-52, amazinyane la-18 kanye netinkhomo letinge-25 unemanti labholwe phasi ekunisela nekunatsisa imfuyo. Nanome enyukela etulu kulomkhakha, Moseki utsi bumatima lahlangabetane nabo bufaka ekhatsi kuffola imali yekucala umsebeni, kutfo labantfu labatsengisela kanye nekukhoboswa ngulabanye balimi. Leti nguletinye nje tihibe balimi labasikati labahlangabetana nato. "Letinsayeya tiyangikhutsa futsi ngitawuzama ngawo onkhe emandla kutsi ngisebente kamatima kute ngiphumelele. Tinsayeya tiyangaka futsi tingenta umuntu loncono futsi ngicabanga kutsi kuhle kutsi ngibukane nato nyalo ngisesemusha kulenkhundla yetekulima." Utsite utawusebentisa le-R500 000 kutfutukisa lelipulazi. "Lemali lebuya elitikweni yekusita kutfutukisa sakhwionchanti futsi nami ngitayisebentisa loko."

KWANDZISA LWATI

Kusukela nje azuzamklomelo, Moseki usebente kamatima ekutfutukiseni lwati lwakhe. Sewuke wenta tifundzo tocesho loluphatselene nekufuywa kwetinkhukhu waphindze futsi wenta lucesho lolumayelana nekumaketha lolukhokhelwe litiko. "Letitfundzo tibe lusito ngobe ngifuna ku-

cala ibhizinisi yekutsengisa tinkhukhu. Kwenta kwami tifundzo tekumaketha kungisitile futsi ngiyafundza kuto."

IMPHUMELELO

Utsite lenye yetintfo letimente waphumelela kuze kube ngunyalo, kusebente kamatima, kutinikela kanye nekuba ngephasi kweliso lebalimi labangubomakhelwane bakhe. "Babelusito kakhulu, ngingetinombolo tabo tonkhe tekubatsinta batsi futsi ngingabatsinta nome ngabe ngusiphi sikhatsi nangidzinga lusito." Lusito, banalo ngempela. Ukumbula kutsi makhelwane wakhe wamsita njani kutsi akhetse emakhemikhali langiwo amazambane. Utsite manje balimi kufanele kutsi bayekele kutsembe-la kakhulu kuhulumende kepha kufanele kutsi basukume batentele ngekwabo tintfo. "Ngeke sonkhe silindzele hulumente kutsi asentele tintfo, kufanele kutsi natsi sidale yetfu indzima sati futsi kutsi hulumente kute lasikweleta kona." Moseki utsite kuleminyaka lesihlanu letako, ufuna kutfumela imikhicito yakhe kumave langephandle, lokuyintfo leliphupho lafisa kulisebente kamatima kuzo alifeze. "Asihambeni etinyatselweni tebaholi betfu labalwele inkhulululeko nyetfu. Selitfuba letfu-ke nyalo kutsi silwele umnotfo wetfu futsi sidale nemafuba emisebenti," kwasho yena akhutsata. Balimi labanenshisekelo lefanana neyaMoseki bangasita iNingizimu Afrika kutsi ibukane netinsayeya tebuphuya netekondla sive.

kukhulula nekufundzisa lomunye nalomunye. Kungasikudzala nje, iNingizimu Afrika beyibambe Ingcungcutseta ye-25 Yebunye Bemave ase-Afrika (i-AU) lapho Tindvuna te-AU Letibukene Netindzaba Tabomake Nebulili lebeyibanjwe kuLizinga Lelisetulu Lephaneli ye-AU yeSibili lemayelana Nekulingana Ngebulili Nekuhlonyiswa Kwabomake. Umphumela walemhlangano, lebeyibanjwe ngaphasi kwengcikitseti leti, "Yenta kutsi Kwenteke Ngekufaka Bomake Ngekwetimale Kumkhakha Wetebhizinisi Yetekulima," kwaba simemetelo kanye nesimemo sekutsi kube khona lokwentiwako mayelana nekufakwa ngekwetimale kwabomake kubhizinisi yetekulima. Lemihlangano emkhatsini yaletinye tintfo, yamemetela kutsi kucalwe ngekusetjentiswa kwemalungelo abomake, ekufinyelela, newekulawula, newebunikati kanye nekuzuzamklomelo lusito yetetimale, lokufaka ekhatsi kufinyelela kutincho bu tahlumende tekuzuzamklomelo, kutelwatiso kanye nasekutfutukisweni kwemakhono, kutebuchwepheshe letinsha nekutisebentisa, kute kutfutukiswe bomake kutemnotfo nekubahlomisa kutemabhizinisi etekulima.

